


野山
人家
清
嘯語



山 家 語

周 履 端 著

王雲五主編

叢書集成初編

山家語及其他一種

中華民國二十四年十二月初版

著者 周履靖

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

通

山家語敘

自古山林與廊廟殊途常布縉
紳異議在朝言者在野言野在
山言山思戒出位語當隨所甚
矣山林之爲遠也往昔洗耳投
澗之輩見及此哉余方有事遼

左實身戈矛洪濤沙漠間於時
不知有身惡知有家又惡知有
山家之樂乃徼

聖威靈僞奴退舍得遂骸乞徇
徻湖山然廊廟憂民江湖憂君
每自恨不若山家叟白首不識

朝市之爲完也。攜李周山人逸
之和禪月大師休山中十咏及
雜咏題曰山家語頗具山中之
適。抑亦目今前人。至讀勸酒行
令人忘寵利心。東倭北虜經國
籌邊一切賈傅淚杞人憂盡消。

融而被除之矣夫時有古今詩
有古今人已視卑古視高遂
以晉魏唐人為範德而卑之甘
蹈宋人吻非特世運使然良亦
趣向之舛岐也山人謝玄名利
凌轢千古傲睨一世吐詞成音

直欲慚隸休島追還唐調余故
深有取於山人也覽是編者其
勿以字句求山人非惟知山人
且得山家之樂矣

萬曆乙未秋九月武林桐江宋
應昌書於孤屿山房

山家語目錄

和貫休山居十詠

送陶君歸隱武林西山二十一韻

送陶君歸山詠二十四首

巖壑吟五十韻

勸酒吟

山居十二絕

贈徐孤雲二律

行住坐卧四律

山家語目錄終

山家語

嘉禾梅巖道人周履靖著

吳興鹿門茅坤批評

吳門羅陽劉鳳校正

和貫休山居十詠

五十方知處世難何如拂袖隱青山幽深茅屋
翠微裏掩映松杉碧靄間枝上流鶯時恰恰簷
前瀑布日潺潺憑誰浪說長安麗我亦無心一
躋攀

貫休原韻

休話諠譁事事難
山翁只合住深山
數聲清磬
是非外一箇閒
人天地間
綠圃空堦雲冉冉
異禽靈草水潺潺
無人爲向羣儒道
巖桂枝高更好攀

其二

卜築幽栖世事休
茅堂斜枕碧溪頭
徜徉撫掌
林間嘯落魄忘形
物外遊
靜閱歸來元亮賦
興狂登眺仲宣樓
閒身日與漁樵混
一任浮雲檻

畔流

原倡

誰是言休卽便休高吟靜坐碧峰頭三間茅屋
無人到十里松門獨自遊明月清風宗炳社夕
陽秋色庾公樓修心未到無心地萬種千般逐
水流

其三

松花滿樹菜盈畦結箇茆廬碧澗西性逸每期
玄鶴共情高欲與古人齊採芝洞口芒鞋濕踞

石磯頭野鳥啼三月絳桃燃曲徑漁郎錯認武陵溪

原韻

露滴紅蘭綠繞畦閒拖象屐到峰西但令心似蓮花潔何必身將槁木齊古塹細烟紅樹老半巖殘雪白猿啼雖然不是桃源洞春至桃花亦滿溪

其四

紉草爲衣不用紗潛身巖穴只殘霞興持綠醕

吟詩句閒泛清溪鼓釣槎逸叟每臨開草閣高
僧見訪煮山花悠悠世外舒青眼睥睨人情似
亂麻

原韻

嵐嫩風輕似碧紗雲樓金像滿烟霞葛苞玉粉
生香瓏茵簇銀丁出靜槎舉世只知嗟逝水無
人微解悟空花可憐擾擾塵埃裏雙髻如絲事
似麻

其五

曲曲溪山若武夷陰陰古木礪邊垂一椽室靜
苔封砌幾樹梅開雪滿枝門外烟迷芳草徑
前水長白蓮池脩然栖止塵寰遠疑似當年周
續之

原韻

心心心不住希夷石室巉巖白髮垂惜竹不除
當路笋愛松留得礙人枝焚香開卷霞生砌捲
箔冥心月在池無限故人頭已白不知今日復
何之